

小洋

王思任

由惡溪登括蒼舟行一尺水皆汗也天爲山欺水求石放至小洋而眼門一闢吳閩伸送我挈容孺出船口席坐引白黃頭郎以權歌贈之低頭呼盧俄而驚視各大叫始知顏色不在人間也又不知天上某某名何色姑以人間所有者彷彿圖之落日含半規如胭脂初從火出溪西一帶山俱似鸚綠鴉背青上有腥紅雲五千尺開一大洞逗出縹天映水如繡鋪赤瑪瑙日益習沙灘色如柔藍懈白對岸沙則蘆花月影忽忽不可辨識山俱老瓜皮色又有七八片碎剪鷲毛霞俱黃金錦荔堆出兩朶雲居然晶透葡桃紫也又有夜嵐數層鬪起如魚肚白穿入出道藏輯要

天下名山記
浙江小洋王

空

軫集二
八川

鑪銀紅中金光煜煜不定蓋是際天地山川雲霞日采烘蒸鬱襯不知開此大染局作何製意者姑海蜃凌阿閃一漏卿麗之華耶將亦謂舟中之子既有蕩胸決背之解嘗試假爾以文章使觀其時變乎何所邁之奇也夫人間之色僅得其五五色互相用衍至數十而止焉有不可思議如此其錯綜幻變者曩吾稱名取類亦自人間之物而色之耳心未曾通日未曾覩不得不以所睹所通者達之於口而告之於人然所謂彷彿圖之又安能彷彿以圖其萬一也嗟乎不睹天地之富豈知人間之貧哉